

**JU UNIVERZITET U ZENICI  
OJ STUDENTSKI CENTAR ZENICA**

**PRAVILNIK O IZMJENAMA I DOPUNAMA  
P R A V I L N I K A  
O UNUTRAŠNJEM ŽIVOTU, RADU I ODGOVORNOSTI  
STUDENATA U OJ STUDENTSKI CENTAR ZENICA**

**Zenica, maj 2024. godine**

Na osnovu člana 54. tačka b) Zakona o visokom obrazovanju („Službene novine Zeničko-dobojskog kantona“, broj: 12/22), člana 19. stav 2. alineja 1. Zakona o Javnoj ustanovi Univerzitet u Zenici – Prečišćeni tekst („Službene novine Zeničko-dobojskog kantona“, broj: 1/18, 10/18 i 13/21), člana 62. stav (1) tačka b) Statuta Univerziteta u Zenici, na prijedlog Direktorice Studentskog centra Univerziteta u Zenici Upravni odbor Univerziteta u Zenici, na svojoj 01/24 sjednici održanoj 09.05.2024. godine, donio je

## **PRAVILNIK O IZMJENAMA I DOPUNAMA PRAVILNIKA O UNUTRAŠNJEM ŽIVOTU, RADU I ODGOVORNOSTI STUDENATA U OJ STUDENTSKI CENTAR ZENICA**

### **Član 1. (Izmjena člana 6.)**

U Pravilniku o unutrašnjem životu, radu i odgovornosti studenata u OJ Studentski centar Zenica, broj: 01-101-301-0546/07-6 od 12.06.2007. godine, u članu 6. tekst koji glasi: „Prostorije za stanovanje sa svim inventarom i uređajima (soba za spavanje, hodnik, kupatilo i wc) i prostorije i uređaji za stručni, društveni, kulturno – zabavni i sportsko – rekreacioni rad studenata (čitaonica, klub, mliječni restoran, mesdžid, čajne kuhinje, hodnici, hol, stepeništa, i dr.), koriste se prema utvrđenoj namjeni, imajući stalno u vidu da pri tome ne dolazi do njihovog kvara, oštećenja ili uništenja.“ **mijenja se i glasi:**

„Prostorije za stanovanje sa svim inventarom i uređajima (soba za spavanje, hodnik, kupatilo i wc) i prostorije i uređaji za stručni, društveni, kulturno–zabavni i sportsko–rekreacioni rad studenata (čitaonica, klub, mesdžid, čajne kuhinje, hodnici, hol, stepeništa, teretana i dr) koriste se prema utvrđenoj namjeni, imajući stalno u vidu da pri tome ne dolazi do njihovog kvara, oštećenja ili uništenja.“

### **Član 2. (Izmjena člana 8.)**

U članu 8. tekst koji glasi: „Na zahtjev odgovornih zaposlenika Centra, student je dužan besplatno se uslikati u upravi Centra, dati na uvid ličnu kartu ili upisnicu "Indeks", radi utvrđivanja identiteta“ **mijenja se i glasi:**

„Na zahtjev odgovornih radnika Centra, student je dužan besplatno se fotografisati u upravi Centra, dati na uvid ličnu kartu ili upisnicu "Indeks", radi utvrđivanja identiteta.“

### **Član 3. (Izmjena člana 10.)**

U članu 10. tekst koji glasi: „Useljenje u Centar počinje 15. septembra“, **mijenja se i glasi:** „Useljenje u Centar počinje 1. oktobra.“

### **Član 4. (Izmjena člana 17.)**

U članu 17. tačke 4, 5, 6, 7, 9, 11, 12, koje glase:

4. da zahtjevaju pravovremeno otklanjanje svih kvarova na uređajima i oštećenja u stambenim i zajedničkim prostorijama koji im otežavaju korištenje usluga,
5. da zahtjevaju da se osigura rad i čistoća u Centru, kako bi se život i rad odvijao u odgovarajućim higijenskim uslovima,
6. da koriste prostorije namjenjene za stručni rad, za društvene i sportske aktivnosti u skladu sa utvrđenim rasporedom koji utvrde upravni organi Univerziteta,

7. da poštuju lično dostojanstvo i čast svih zaposlenika Centra i studenata – stanara, da zahtijevaju da svi zaposlenici Centra i studenti – stanari Centra poštuju njihovo dostojanstvo i čast i da im omoguće neometano korištenje prava koje ima u Centru,

9. da zahtijevaju propisno zagrijavanje prostorija namijenjenih za stanovanje, učenje i društveni rad u vremenu predviđenom u Ugovoru,

11. da zahtijevaju naknadu štete koju pretrpe krivicom zaposlenika Centra i studenata – stanara Centra u vezi sa korištenjem usluga na koje su ugovorom stekli pravo,

12. da traže da im se posteljina obavezno mijanje dva puta mjesečno“,

**mijenjaju se i glase:**

„4. da zahtijevaju pravovremeno otklanjanje svih kvarova na uređajima i oštećenja u stambenim i zajedničkim prostorijama koji im otežavaju korištenje usluga,

5. da zahtijevaju da se osigura rad i čistoća u Centru, kako bi se život i rad odvijao u odgovarajućim higijenskim uslovima,

6. da koriste prostorije namijenjene za stručni rad, za društvene i sportske aktivnosti u skladu sa utvrđenim rasporedom koji utvrde upravni organi Univerziteta,

7. da poštuju lično dostojanstvo i čast svih zaposlenika Centra i studenata – stanara, da zahtijevaju da svi zaposlenici Centra i studenti – stanari Centra poštuju njihovo dostojanstvo i čast i da im omoguće neometano korištenje prava koje ima u Centru,

9. da zahtijevaju propisno zagrijavanje prostorija namijenjenih za stanovanje, učenje i društveni rad u vremenu predviđenom u Ugovoru,

11. da zahtijevaju naknadu štete koju pretrpe krivicom zaposlenika Centra i studenata – stanara Centra u vezi sa korištenjem usluga na koje su ugovorom stekli pravo,

12. da traže da im se posteljina obavezno mijenja dva puta mjesečno“,

U istom članu tačka 13. koja glasi: „da primaju kod sebe na prenoćište, bez naknade, članove uže porodice (majku, oca, brata i sestru a u izuzetnim slučajevima i druge kategorije gostiju) tri dana u toku mjeseca na osnovu identifikacije ličnih dokumenata uz prethodno odobrenje uprave Centra,“ briše se.

**Član 5.  
(Izmjena člana 18.)**

U članu 18. tačka 11. koja glasi: „da prije spavanja ugase svjetla i zatvore slavine za vodu u sobama za spavanje, a poželjno bi bilo i u zajedničkim prostorijama“, **mijenja se i glasi:**

„da prije spavanja ugase svjetla i zatvore slavine za vodu u sobama za spavanje i u zajedničkim prostorijama“.

**Član 6.  
(Izmjena člana 19.)**

U članu 19 tekst koji glasi: „Studenti – stanari Centra mogu primiti posjete od 8 do 23 sata“,

**mijenja se i glasi:**

„Studenti – stanari Centra mogu primiti posjete od 8 do 22 sata.“

**Član 7.  
(Izmjena člana 21.)**

U članu 21 tekst koji glasi: „Studenti su dužni da odmah prijave svaki slučaj težeg oboljenja ili najmanji znak sumnje za zarazno oboljenje studenata – stanara Centra ili posjetilaca Centra.

Prijavu iz prethodnog stava podnose direktoru Centra ili zamjeniku direktora“ **mijenja se i glasi:**

„Studenti su dužni da odmah prijave svaki slučaj težeg oboljenja ili najmanji znak sumnje za zarazno oboljenje studenata – stanara Centra ili posjetilaca Centra. Prijavu iz prethodnog stava podnose direktoru Centra ili sekretaru“.

**Član 8.**  
**(Izmjena i dopuna člana 27.)**

U članu 27. tačke 16 i 22 koje glase:

„16. bacanje u lavaboe, wc i druge sanitarne uređaje koji su povezani sa instalacijama za odvođenje otpadnih voda, otpadaka i predmeta kojim bi se mogla zapušiti ili oštetiti instalacija ili ugroziti životna okolina;

22. lijepljenje plakata i drugih saopštenja na oglasnoj ploči, hodnicima, holu, stepeništima, vratima, i drugim dijelovima zgrade i inventara bez odobrenja direktora ili zamjenika direktora Centra,“

**mijenjaju se i glase:**

„16. bacanje u lavaboe, wc šolje i druge sanitarne uređaje koji su povezani sa instalacijama za odvođenje otpadnih voda, otpadaka i predmeta kojim bi se mogla zapušiti ili oštetiti instalacija ili ugroziti životna okolina, te bacanje bilo čega kroz prozore.

22. lijepljenje plakata i drugih saopštenja na oglasnoj ploči, hodnicima, holu, stepeništima, vratima, i drugim dijelovima zgrade i inventara bez odobrenja direktora ili sekretara.“

**Član 9.**  
**(Stupanje na snagu)**

Pravilnik o izmjenama i dopunama Pravilnika o unutrašnjem životu, radu i odgovornosti studenata u organizacionoj jedinici Studentski centar Zenica iz člana 1. ove Odluke čini sastavni dio Pravilnika o unutrašnjem životu, radu i odgovornosti studenata u organizacionoj jedinici Studentski centar Zenica, broj: 01-101-301-0546/07-6 od 12.6.2007. godine i stupa na snagu danom donošenja.

**UNIVERZITET U ZENICI**

Broj: 01-01-1-3365/24

Zenica, 9.5.2024. godine

**PREDSJEDNIK UPRAVNOG ODOBORA**

\_\_\_\_\_  
Prof. dr. sc. Suvad Isaković